



Las victuras ed ils victurs (per part ensemen cun lur «sujets») da la concurrenza da fotografar da la Pro Senectute.

FOTO F. ANDRY

# Gesehen – Vis – Visto

## Concurrenza da fotografar da la Pro Senectute

■ (anr/fa) 94 fotografas e fotografis grischuns, ma er da l'ulteriura Svizra s'èn participads a la concurrenza da la Pro Senectute. En tut han els fatg 342 fotografias da la vegliadetgna. L'idea da far ina concurrenza da fotografar aveva gì d'atun 2002 cuminaivlamain il team da la Pro Senectute Grischun. «Dad ina vart vulevan nus mussar il maletg da la vegliadetgna en pli bleras fassetas sco pussaivel», sa regorda *Frieda Leder*, la respunsabla per furmaziun ed occurrenzas. Lur outra finamira era da stgaffir cun la concurrenza ina sort plattafurma per in inscunter da las fotografas e fotografis cun las personas veglias. «Uschia haja dà diversas relaziuns da gliעד giuvna cun lur 'sujets', las qualas ì nun avess dà senza nosa concurrenza», manegia ella. Mesemna saira

ha gì lieu a Cuira la premiazion da las personas, las qualas han gudagnà la concurrenza.

### En tschintg categorias

Il victur da la categoria «Lavur en la vegliadetgna» sa numna *Andreas Kessler* da Tavau. *Rabel Schaer* da Vuorz è l'emprima tant da la categoria «Generaziuns, famiglia, relaziuns» sco er da «Situaziuns extraordinaras en la vegliadetgna». Tar la categoria «Purtrets da gliעד pli veglia» ha gudagnà *Arie van Praag* da Meyrin e tar «Sport e hobbies en la vegliadetgna» *Fred Soller* da Cuira. Quella che ha prendi inscunter las 342 fotografias era *Renata Pitsch* da Zuoz: «Mintga brev era puspè ina nova surpraisa e las fotografias magnificas, igl è stada ina lavur fitg agreabla.»